

復爐

香官使者左右龍虎君侍香諸靈官當令
向來清且行道之所自然生金液丹碧芝英
百靈眾真交會在此香火爐前當願十方仙
童玉女接侍蘭烟傳旨向來所啓速達徑御

至真無極大道

昊天玉皇上帝御前

出堂頌

道門科範大全集卷之三十二

道門科範大全集卷之三十三

三洞經錄弟子仲勛編

誓火煉災儀

臨午行道

法事陞壇如式

各禮師存念如法

宣衛靈呪

丹靈朱火炎霞激風赤輪剛運天光八衝

逆威包羅交變萬方流金豁落羣魔滅蹤

辟奸破妖明耀元功金符召制躡雲策龍

誑歌慶會散花太空神化冥運四極安隆

伏御帝前罔有不恭與道合真

鳴法鼓二十四通

無上三天玄元始三炁太上道君太上老君

召出日身中三五功曹左右官使者左右捧

香驛龍騎吏侍香金童傳言散花玉女五帝

直符直日香官各三十六人出出者嚴裝顯

服冠帶垂纓闌啓玄壇土地方域神真

臨午行道謹奏為入書其諸忱悃已錄告聞
願得

太上十方至真道炁靈寶瑞光下降流入
身中令所啓速達徑御

至真無極大道

昊天玉皇上帝御前

請稱法位

具位某與臨壇官眾謹同誠上啓

虛无自然元始天尊太上大道君太上老君

太上昊天玉皇上帝紫微天皇大帝紫微北

極大帝聖祖天尊大帝后土皇地祇元天大

聖后十方無極大道諸天天帝三十六部尊

經玄中大法師圓穹上象火星執法真君所

變所化列宿星君厚地洞天嶽瀆主宰南方

離位丙丁巳午火部官屬三界應感一切真

靈巨闡元精垂象紫微端北極之尊列曜交

曜火德御南昌之府幽贊生成之化廣敷臨

照之功居絳闕以垂光司丹天而布政所臨

分域可驗災祥應二數以秉權歷周天而舒

彩或星網改運或分野流祥凡處光明敢忘

寅畏醮官某叨居塵界幸託真休屬星火之

戒期正朱明之在候當此流金之日畏夫爍

石之威震懼靡寧者循自咎於是冥心謝過克已懲愆啓淨醮於私居誦真詮於邃宇仰惟霄極俯察輿情冀垂監在之休可使安常之慶臣等忝居道職監主壇科望天門之九重神游玉闕存洞章於太一默想金姿冀冀回有裕之慈施以無涯之澤臣既承詞悃敢不上聞爰有心誠謹當宣奏

宣詞

諦詳詞語備見忱怖天無臭而無聲唯聞善聽道有情而有性所應不違將以感格者必在至誠欲祈潛通者須憑善祝臣聞元從一炁肇立陰陽彰洪化於太空育飛精於冲極陰降神岳眇眇天階萬靈翊衛於元皇列宿制安於羣動在昔青童畫卦赤帝滋民龜龍負河洛之文麟雀應嘉祥之命有熊治世金母傳符大範備以既陳天象幽而斯顯一人崇則萬方昭泰百王順則千古攸遵成繼位於洪猷居中央而布德令則薰風應律畏景當時仰臨照之無私奉明威之有感式消良日嚴啟仙科冀格高真康延景福以今臨午

行道請法衆等運茲初捨上香願此香雲騰空上徹供養

十方道寶天尊臣等皈身皈神皈命首體投地以是捨香功德上祝

當今皇帝陛下伏願玉曆延洪丕基久大壽同天地德並唐虞離明常運於照臨乾健大施於宰育

皇后坤德厚載月魄齊輝翊贊聖君克昌大業常推慈愷宣內則於九圍永布惠和慶本支於萬世今故燒香自歸依

道尊大聖衆至真之德得道之後保天長存和與道合真

以今臨午行道請法衆等運茲二捨上香願此香雲騰空上徹供養

十方經寶天尊臣等皈身皈神皈命首體投地以是捨香功德歸流某家九先滯識七祖神儀過往親緣已亡眷屬伏願金書度命玉

置薦神靈府疑於黃雲仙門生於紫戶保新舊爽升陟丹庭均善利於億曾豐餘休於來

喬今故燒香自歸依

經尊大聖衆至真之德得道之後昇入無形和與道合真

以今臨午行道請法衆等運茲三捨上香願此香雲騰空上徹供養

十方師寶天尊臣等皈身皈神皈命首體投地以是捨香功德歸流某家長幼尊卑親緣眷屬三宮清淨九戶圓明八景榮形七元通

炁荷清都之純喜丕對洪休俾素志之感神顯增洪筭推五行則冀收威於火德敘八卦

則祈解難於離宮退舍在茲回祿不至今故燒香自歸依

師尊大聖衆至真之德得道之後永保長生和與道合真

懺方 命魔 三啓 三禮 重稱法位

具位臣某與臨壇官衆謹同誠上啓 虛元自然三清上聖昊天玉皇上帝九皇至

尊十方上聖三十六部尊經玄中大法師大德上真三界應感一切真靈臣聞景耀舒光

高聳太虛之上列星拱極端居家廟之中總

化育以宣精輔生成而布德攝萬靈於三界
張列宿於諸天大闡真功普濟羣品懸官某
四居重陰獲處人倫念茲一介之微亦被三
辰之照但以色身所累妄想難除沉迷利害
之場汨沒愛憎之境惟其稔內熱之禍當必
致自焚之災慮回極之不虞乃先事而控告
消茲殺豆設此殊科心意精微香花芬馥諷
瓊編之隱韻誦玉笈之空歌不辭永日之勤
冀達高真之聽伏願眾真來格多福漸臻獨
疫癘於未形神無出葉却禍殃於方至火不
為災得至閉之威安保室家而胥慶眾罪永
滅萬災不干使門戶之昌隆得生身之受度
世世昌熾乃子乃孫劫劫長存巨今巨古真
根不昧妄想悉除上願

皇帝義暉齊華農黃繼躅峻龍峰而等福靡
鵬海以增年妃后諸王輔寧大寶文階武列
翼亮洪基後莫二象昭融三光貞正薰風入
律和氣調時農功有積於京坻民俗咸登於
仁壽三徒九夜動植飛沉同均浩蕩之恩俱
契正真之果上明

天專大慈之澤下副臣等懇切之誠謹啓以
聞

十二願
復爐

香官使者左右龍虎君侍香諸靈官當令
向來臨午行道之所自然生金液丹碧芝英
百靈眾真交會在此香火爐前當願十方仙
童玉女接侍蘭烟傳臣向來所啓速達徑御
至真無極大道
吳天玉皇上帝御前

出堂頌
出戶

道門科範大全集卷之三十三

道門科範大全集卷之三十四

三洞經錄弟子仲勵編

誓火穰災儀

晚朝行道

法事陞壇如式

各禮師存念如法

宣衛靈呪

五星高耀 瑞氣飛浮 元始集神 天地交周
玉符寶節 嘯命微幽 擲火揚威 奸凶無留
萬魔振伏 紛葩却消 摧怪滅惡 道炁周流
神光照夜 陰翳俱收 萬神降格 扇景兼馳
羣生咸遂 惠遍神州 和與道合真

鳴法鼓二十四通

無上三天玄元始三炁太上道君太上老君
召出巨身中三五功曹左右官使者左右捧
香驛龍騎吏侍香金童傳言散花玉女五帝
直符直日香官各三十六人出出者嚴裝顯
服冠帶垂纓闕啓玄壇土地方域神真臣今
靜夜行道謹奏為入志其諸忱悃已錄告聞
願得